


E prome telefonnan na Savaneta.



Den e telefoongids di aña 1936 tin registra cu Savaneta tin un telefon publico. Probablemente comienso di e aña 1936 ela wordo instala. Despues di un investigacion y analisis di diferente documento, ta calcula cu e telefon publico ey a wordo instala banda di e parochie di Savaneta y e parochie tambe tabata por a hasi uso di dje. Esey tabata e prome telefon cu a wordo instala na Savaneta.

E telefon tabata conecta ariba e central manual na San Nicolaas. Tambe den e verslag di gezaghebber Isaac Wagemaker di aña 1945 tin scirbi cu dia 8 di Januari 1945 Savaneta ta haya su di dos telefon, cu tambe tabata un telefon publico. Durante un investigacion, pa sa unda a instala e telefon publico ey, a topa cu un carta di 15 di Maart 1943, caminda e hefe di polis ta hasi un peticion na Gezaghebber Isaac Wagemaker pa laga pone telefoonnan publico na diferente barrio di Aruba. E motibo ta pa e comunidad na momento di un emergencia, por tin e posibilidad pa comunica cu dokter, partera, asistencia spiritual, polis, brandweer y tambe eventualmente otro departamentonan di gobierno. Tambe polis mes por hasi uso di e telefon pa yama informa of avisa ora di un accidente, candela y situacionandi emergencia, na warda di polis. Un di e lugarnan cu e hefe di polis a pidi pa pone un telefon publico y e unico tambe, tabata poco pariba di Central Bar, (actualmente e ta Domino Pizza), pero otro banda di e caminda principal. E lugar ey ta mas of menos pabao di e warda di polis actual. E telefon ey tambe tabata conecta na e central manual di San Nicolaas. Riba foto por mira con e telefonnan publico por tabata.

Actualmente practicamente tur cas tin un telefon, hasta celular y internet.

Dufi Kock

Escritor y Historiador

Savaneta 125-F

Tel: 584-1201

Cel: 592-9417

dufikock@gmail.com

Lid in de Orde van Oranje Nassau 2006